

Leson 7

budefini-ney wek-taim

Me pri safari. Me **gwo** bi in Paris e in London e in Madrid...

Me **gwo** dansi hao wan me bin syao gela...

blise wek-taim

Me bu hev bonbon.

Me **yus he** chi laste-la...

blise lai-taim

Me bu mog go aus nau.

Me **sal** chi deyfan.

yo-forma

Me bu lekti sey kitaba pyu.

Da **es** yo lekti-**ney**.

Da **es** yo lekti-**ney** bay me.

pasive-partikla

Sey taska bu es resolvi-ney.

Me resolvi da nau.

Da **gei** resolvi bay me.

Me-resolvi-ney taska es mushkile.

yao-shwoing

Me **wud** yao bi rega. Me **wud** regi zuy gran registan in mundo. May molya **wud** bi zuy jamile gina in may registan. Ela **wud** jani singi tanto hao...

Yen nilfortuna, me bu es rega...

pluri aktia kombinia

— May son lubi un gela. Lu sempre shwo ke ela es zuy jamile e zuy saje gela in mundo.

— Oo, oli **lubi-she** manjen shwo samem.

— Bat lu bu koni ela! Lu es tanto timide ke lu bu mog kwesti ela om elay nam. **Al vidi** ela lu fa-rube e bu mog shwo nihsa. E lu sidi **kan-yen** ela e **audi-yen** se ke ela shwo. E **afte vidi** elay sorida lu soridi selfa, tote dey.

mah-kwo-worda-partikla

Me hev tri kot: dwa es brave e di tri es ga fobishil. Brave-**las** batali kada dey. Ili yao jan hu es zuy forte. Fobishil-**la** bu eva batali kun brave-**las**. Lu pri komuniki kun maus pyu.

Brave kotes kwesti lu: «Kwo yu zwo? Ob yu bu jan ke maus mus fobi kot? Yu bu mog komuniki kun ta. **Lo** tal bu gai repeti!»

Bat fobishil kot shwo: «Me bu kredi ke maus mus sempre fobi kot. Ta es may amigo. Me bu yao ke ta fobi me. **Tu** fobisi es muy fasile. Bat **tu** akwiri hao amigo bu es fasile».